



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

2. Nullam remp. sine concordia; nec concordiam, sine justitia consistere.

urn:nbn:de:hbz:466:1-45686

DE AEQVITATE, ET BONITATE
IUDICIORVM, QVÆ EX DIVINA IRA
IVSTITIAQVE, IN HOC MVNDO,
ORTA CENSENTVR.

C A P V T I

*Diuinam Bonitatem pariter iustum, & Iustitiam, etiam
cùm punit, simul bonam esse.*

 VI DEVM, in Mundo, esse credit, si verè credit omnipotentem, rebus omnibus præsentem, omnia prouidentem, omnia gubernantem; non tantum summè beneficium, & hominum bonorum amantem, sed etiam maximè justum, atque sceleribus irascentem esse, necesse est, vt fateatur. Quod alio loco docuimus; & docet Regius Propheta, dum ait: *Misericordiam, & iuditium cantabo tibi.* Hæc vtraque simul & cantanda Deo, & hominibus inculcanda sunt; quia non solùm, in illo Ente simplicissimo, vnum sunt; sed etiam, quando erga mortales sese, diuersis operibus, exerunt, non separantur. Misericordia enim pariter justè Devs, & misericorditer judicat plectisque. Usque adeò, vt etiam nocentissimos quosque minùs puniat, quām puniri mereantur. Hoc est, quod Habacuc paradoxè, sed verè prædicat: *Cum iratus fueris, misericordia recordaberis.* Hoc David affirms; docens enim, ex omnibus Dei operibus, misericordiam & iustitiam elucere, ait: *Vniversa via Domini, misericordia & veritas.* Cui assonat Cassiodorus, ita scribens: *Potestas Domini semper aut misericordia, aut iudicat.* Sed nego, misericordia ipsius, sine iudicio; nego, iudicium, sine misericordia reperiatur. Virag, enim se mutuè societate coniungunt. Hæc est pulcherrima, in simplicissimo Numine, mixtura, vt vna virtus alteram commendet; & vrrinque suus fructus existat, ac decor. Quapropter justus Iob, & benefacientem Deum, & verberantem expertus, in vtraque fortuna, diuinam dilaudauit bonitatem; & quemadmodum non exorbitauit, in prosperis, ita, neque in aduersis, voluit cœlo formulam intendere.

Vt in fidibus, ac tibijs, atq; cantu ipso, ac vocibus, inquit Tullius, concentus est quidam tenendus, ex distinctis sonis, isq; concentus, ex distinctis mil-

I.

L. cap. 8, de
diuin. judi-
cijs. Ps. 100, 1.

Habac. 3, 2.

Psalm. 24, 10.
Cassiodor. in
Psal. 100.

Iob. 1, 21.

II.

Cic. lib. 2, de
Rep.

A

2 Cap. I. Deum, nec sine iustitia, bonū; nec sine bonitate, justū esse.

millimorum vocum moderatione, concordia tamen efficitur, & congruens: sic summis, & infinitis, & mediis interiectis ordinibus, ut sonis, moderata ratione ciuitas, consensu dissimiliorum, consistit: & qua harmonia à Musicis dicitur, in cantu, ea est in ciuitate concordia, quæ sine iustitia,

Plutarch.lib. nullo pacto esse potest. Pari pacto prisci mortales scripserunt, & docuerunt, absq; iustitia, Principatum gerere, ne Iouem quidem ipsum posse.

Princip.

III.

Lactant. lib. de ira Dei. Cap. 8. *Quod si religio tolli non potest*, inquit Lactantius, ut & sapientiam, quæ distamus a bellis, & iustitiam retineamus, quæ communis vita sit tutior: quomodo religio ipsa sine metu teneri accustodiri potest? *Quod enim non metuitur, contemnitur*: quod contemnitur, utiq; non colitur. ita fit, ut religio, & maiestas, & honor metu constet; metus autem non est, ubi nullus irascitur. Sive igitur gratiam Deo, sive iram, sive utrumq; detraxeris; religionem tolli necesse est: sine qua, vita hominum stultitia, scelere, immanitate completur. Multum enim refranat homines conscientia, si credamus nos, in conspectu Dei, vivere: si non tantum, quæ gerimus, videri desuper, sed etiam quæ cogitamus, aut loquimur, audiri à Deo putemus. Sicut ergo fundamentum est, & primus religionis gradus, *Credere Deum, ubiq; presentem*; sicut alter gradus est, *Credere non modo presentem, sed etiam omnia videntem, & prouidentem, suosq; neq; in ipsis, quæ ad vitam, neq; quæ ad famam, neq; quæ ad pacem, neq; quæ ad salutem pertinent* (quæ omnia ingentem in hominibus spem ædificant) *desituentem*, ita necesse est, *credere, eiusdem iustitiam atque iram sceleribus humanis imminentem*, vt fructuosè metuamus.

IV.

Hic ergo rursus quorundam improborum scopulus est, quem recta sapientes, cum laude & lucro, declinant. Nam mali, cùm mala vident, in orbe, quæ meruerunt, vel casu ea euenire, vel immertenibus immitti arbitrantur. Quare naufragium faciunt, quia non aspiciunt ad diuinæ iustitiae cynosuram. Hoc est, quod velut o-

Psalm. 68. 14. ptando prædictit Propheta: *Obscurantur oculi eorum, ne videant, & dorsum eorum semper incurva*. Non enim vident, se, quia mali sunt, mala commeruisse. *Curuum pecus*, cuius dorsum, dum in terram arcuatur, oculi quoque deorsum declinati nequeunt sursum, atque ea, quæ de cœlo veniunt, intueri. Hinc feriri se sentiunt, puniri non animaduertunt. Hinc plagam aspiciunt, pœnam non agnoscunt. Quid fiat, non cur fiat, considerant. Hinc murmurant, vt pec-